

BATASUNAREN LEGEZ KANPORATZEA. Bihar HB, EH, eta Batasuneko hogeita hamar mahaikidek hitzordua dute Espainiako Entzutegi Nazionalan. Horren aurrean garai eta lurralde ezberdineko 70 mahaikide inguru bildu ziren atzo mobilizatzeko deia egiteko.

HB, EH eta Batasuneko 70 mahaikide inguruk mobilizatzeko deia egin dute

Bihar itxialdiak eta mobilizazioak, eta 19an lanuzteak izango dira 20 mahaikideren deklarazioa dela eta



ANDONI CANELLADA / ARGAZKI PRESS

HB, EH eta Batasuneko Mahai Nazional ezberdinetako mahaikide ugari bildu ziren Donostiako Miramar jauregiko errege aretoan.

«Konfiantza etorkizunean»

BELAUNALDI TOPAKETA. Iraganeko eta gaur egungo mahaikideak elkartu ziren atzo, azken hogeita bi urteko ibilbidearen lekuko

Pello Urzelai | DONOSTIA

Konfiantza eta «lasaitasun» mezua igorri nahi izan zuten Arnaldo Otegi eta Jon Idigoras, azken hogeita bi urteetako HB, EH eta Batasuneko Mahai Nazionalaren 68 mahaikideren izenean. Horieta-rik bihar 20 kidek Auzitegi Nazionalan agertu behar dutela eta espetxeratuak izateko arriskua dutela jakinik ere, honela mintzatu zen Arnaldo Otegi: «konfiantza osoz begiratzen diogu egoerari eta etorkizunari». HB sortu zene-rik, «intoxikazioa», «zapal-

kuntza», «kartzela» eta «hiletak ere» jaso dituela gogoratu ondoren «hemen gaude eta hemen jarraituko dugu» esaldia esan zuen Otegi. «Badaukagu herri honentzat etorkizun ezberdin bat, esperantza elikatzeke proiektu politiko bat», gaineratu zuen. Jon Idigoras ezker abertzaleko jendeari dei egin zion lasai egoteko: «lasai egon, gu lasai gaude, gure proiektua ez da geldituko, inondik inora, etorkizunean ikusita askoz gutxiago, etorkizuna gure eskuetan baitago».

Jon Idigoras eta Arnaldo Otegiaren ondoan, mahaian,

lurralde eta garai ezberdine-tako mahaikideak zeuden: Se-ber Ormaztegui, Periko Olabarria edo Txomin Ziloaga betera-noak, Matti Iturralde eta Xabi Larralde. Hauen atzean mul-tzo handi bat, hirurogei lagun inguru, nahasturik, oraingoak eta hasierakoak, gazteak eta zaharrak. Tartean, besteak beste, Jose Luis Elkorro, Pablo Gorostiaga, Tasio Erkizia, Josu Iraeta, Floren Aoz, Jone Goirizelaia, Joxe Mari Olarra, Joseba Alvarez, Jean Claude Agerre, Ainara Armendariz, Esther Agirre, Joseba Per-mach, Gloria Rekarte, Kepa Gordejuela....

Pello Urzelai | DONOSTIA

HB, EH eta Batasuneko Mahai Nazionalako 68 kideren ager-raldia izan zen atzo Donostian, horietako 20k bihar inputatu gisa Espainiako Auzitegi Nazio-nalean deklaratu behar dutela eta. Guztien izenean (gutxi bat-zuk fisikoki ezin izan ziren ber-tan egon), Jon Idigoras eta Arnaldo Otegi ezker abertzalearen proiektu politikoaren jar-raipenarekiko konfiantza ager-tu zuten, Auzitegi Nazionalan egin beharreko agerraldia sala-tzeko antolatutako mobilizazio-etan parte hartzeko deia egiten zuten bitartean. «Hemen gaude estatu faxisteei aurre egiteko eta dei egiten diegu sektore he-rritar, ezkertiar eta abertzaleei ostiraleko [biharko] itxialdi eta mobilizazioetan eta hilaren 19ko lanuzteetan parte hartze-ko», esan zuen Arnaldo Otegi. «Proiektu soberanista, aurrera-

zale eta ezkertiarrekin bat egiten dugunok mobilizatu be-harra daukagu. Aurre egin be-har diogu uholde faxista horri», esan zuen Jon Idigoras.

Auzitegi Nazionalan eta Au-zitegi Gorenean Batasunaren kontra irekita dauden proze-suen bidez «ezker abertzalea-ren ideiak kriminalizatu nahi dituzte eta espainiarren aurrean ezker abertzalearen porrota aurkeztea nahi dute», Jon Idi-gorasek esanetan. Bihar inputa-tu gisa 20 mahaikideek egin be-har duten agerraldiaren bidez, berri, «aurpegiak eta izenak jar-ri nahi dizkiote HBren lege-z kanporatzeari». Horrez gain, ezker abertzalearekin bat egi-ten duten milaka herritarrei «beldurra» eta «porrotaren sen-tsazioa» sartarazteko asmoa ai-patu zuen Idigoras. «Berriz okertu dira. Aurrera egingo dugu. Ez gaituzte garaituko. Etorkizuna gure eskuetan